

逝天諸苾芻我有如是知見非不能知我相

人相衆生相壽者相布捺識羅相摩拏縛迦
相乃至主宰承事等相或諸所作善惡因果

捨此蘊已復趣他蘊如是等事亦無所有我

先已說種種有爲因果之法從因發生從因
得滅所謂因於無明緣生於行行緣生識識緣

生名色名色緣生六入六入緣生觸觸緣生
受受緣生愛愛緣生取取緣生有有緣生生
生緣生老死憂悲苦惱以是因緣得一大苦

蘊生諸苾芻若滅其因一切皆滅所謂無明
滅則行滅行滅則識滅識滅則名色滅名色
滅則六入滅六入滅則觸滅觸滅則受滅受

十九末

滅則愛滅愛滅則取滅取滅則有滅有滅則
生滅生滅則老死憂悲苦惱滅如是則一大
苦蘊滅諸苾芻集因滅故苦自然滅若苦止
息得涅槃樂又復我相永斷正滅非轉了苦非
有滅云何滅是得止息是得清涼離一切向
是則涅槃

佛說衆許摩訶帝經卷第十

給七

二經同卷

第九卷

翌日上音翼也 悵愴二同良刃反惜也 者年上渠移也 迅
疾上思也 閨反 潤池上音潤枯也 播音播也 挑上必个反 伎下丘伽反

低亞上字也 一塊下傾耽所戒反 沈盛上芳楚
反 陂池上音船也 摩杓丁曉也 草履下所綺反 皮履日也

第十卷

詢息旬反 趕進上俗也 詣該通上古哀異轍下直
也 老耄下莫報反 王四上去 陷威字去呼

赦宥下音有也 宽免也

佛說衆許摩訶帝經卷第十一

給八

栗譯經藏朝散大夫試鵠少卿明教大師宣法賢奉詔譯
余時世尊復謂民彌婆羅王曰汝觀色是常
非常耶王曰非常佛言是苦非苦耶對曰是
苦世尊又言受想行識是常非常耶對曰非
常又曰是苦非苦耶對曰是苦佛言色受想

行識悉是非常是苦是顛倒法一切無我佛
又告言大王當以正智正慧觀其真實彼色
受想行識有過去現在未來耶有內外麤細
貴賤遠近耶對曰色受想行識非過去現在

未來亦非內外麤細貴賤遠近等佛言善哉
大王若能於此五蘊如實了知是非常苦空
無我之法復以正智觀其真實知非過去現
在及以未來乃至內外麤細貴賤遠近等又
能不著不捨者斯真解脫大王得斯解脫者
是智解脫梵行已立所作已辦我生已盡永
不復趣輪迴之道尔時世尊說是法時民彌
婆羅王及八萬天人遠離塵垢得法眼淨及
有婆羅門長者士庶等百千人衆亦離塵垢
得法眼淨於是民彌婆羅王得法知見已於
法堅固斷其貪愛除去疑惑正信不退即從
座起偏袒右肩合掌向佛白言世尊我心柔
順歸依佛法及以僧伽持近事戒永不殺生
今請世尊常住我國願盡形壽奉上衣服飲

食卧具湯藥常無乏少乃至聖衆盡生供養
佛即默然時王見佛默然受請歡喜踊躍不
能自勝即以頭面禮佛雙足旋繞畢已辭別
而退

尔時諸苾芻衆見民彌婆羅王蒙佛世尊爲
說妙法不起於座遠離塵垢得法眼淨心皆
生疑此王云何遇佛世尊便得聞法證法眼
淨除去塵垢作是念已佛即玄知告而言曰
諸苾芻此民彌婆羅王乃於過去作大善業
所作決定果報無差今爲人王具太福德乃
宿世因感果如是諸苾芻地水火風外界熟
時蘊界六根一切好醞隨其所作善惡之業
悉皆獲得果報不虛尔時世尊即說偈言
衆生之所作 善惡經百劫 因業不可壞
果報終自得

諸苾芻過去世時有佛出世名阿羅彌毗十
號具足爲人天師時佛世尊爲諸衆生說種
種法化利畢已即入涅槃彼諸弟子收其舍

利擇清淨地建立妙塔復以種種香花而恒供養過是已後久歷年歲有轉輪王出於世間名羯里計時有兵衆十八俱胝常領是衆飛空巡幸復有七寶常爲先導後於一日經過塔上有虛空神捉其輪寶住空不進時羯里計王思惟是事今我方行輪寶自住恐是福盡感應斯現彼虛空神乃告之曰大王汝非福盡下有阿羅漢毗佛舍利塔端指輪寶不得直進時羯里計王與十八俱胝飛空兵衆同時降下詣於塔所王及眷屬各以妙衣共拭佛塔得清淨已散諸妙花及焚寶香又作種種音樂而爲供養以頭面禮發其誓願以我今日師事於佛所設供養種種功德果報不虛當來獲得諸苾芻於意云何彼羯里計轉輪聖王并諸眷屬者即民彌婆羅王及眷屬等是諸苾芻以彼供養阿羅漢毗正覺之塔種種功德當感無數百千俱胝劫受天上人間最上快樂以本願力今值於我復作

供養所獲功德乃與阿羅漢毗正等正覺平等無異諸苾芻一切衆生作黑業者黑業相續作白業者白業不斷或作雜業亦復如是諸苾芻所獲果報悉從因業汝等當知廣爲人說尔時會中諸苾芻衆以民彌婆羅王見佛聞法遠塵離垢又聞說彼往昔之事乃於

三
論八

烏鵲尾螺而起疑心云何世尊爲現神通種種教化方得迴心彼曩提議耶隨言受化佛大慈悲具一切智必能斷除我等疑惑作是念已將欲發問佛即告言修因感果定不虛爾諸苾芻過去劫中人壽二萬歲時有佛出世名曰迦葉如來應供正徧知明行足善逝世間解無上士調御丈夫天人師佛出尊彼佛亦在波羅柰國鹿野苑中作大佛事化利畢已即入涅槃時世有王名羯里計常於彼佛恭敬供養佛既入滅王以種種香木茶毗之瓶又選勝地起大寶塔其塔高聳量一由旬

王及人民常作供養時彼國中有一長者家
中巨富等毗沙門天眷屬衆多自在快樂先
與別族長者而為朋友常於佛塔廣興供養
後要其門以為姻戚歲月既久乃生三子於
後長者年耄有疾服藥不差漸漸羸困乃趣
無常三子以禮葬於尸林是時三子思憶訓
誨曰暮嘵泣又念家富共議追福長兄惶惄
先未知善忽聞欲施初即遲疑以孝存心尋
便允可長兄言曰布施之外分充受用二弟
應諾即持金銀種種財物詣於塔所作最上
供養如是施已同發誓言願以善根所生果
報於當來世以今正等正覺迦葉之稱為其
姓氏佛出世間亦得值遇聞法信解證於菩
提發誓願已禮拜旋繞歡喜而歸是故迦葉
今得此姓值遇於我而為沙門復聞正法證
無學果諸苾芻烏鳩尾螺初難化者以彼宿
出欲檀施時心有遲疑是故我現種種神變
方得省悟曩提誠耶而易化者亦由往昔檀

施之時心本清淨始終無異諸苾芻是故烏
嚮星螺及曩提誠耶復為兄弟得迦葉姓又
值於我聞法證道此往昔事汝等諦信
尔時出尊說是迦葉往昔事已離杖林塔於
王舍城不遠就一樹下與千苾芻衆圍繞而
住時民彌婆羅王以佛近住欲立精舍安佛
給八

四

及僧而父住止民彌婆羅王為太子時常出
城外而為遊戲去城至近有一園苑林樹蓊
鬱泉池清淨雖復四序花竹恒茂太子愛樂
而欲求買園主長者自恃耆耄兼亦家富太
子逼取終不允從出言悖慢聞於太子我寧
離此國不捨此園太子聞已謂左右曰今此
耆耄言甚不遜我若紹位無得忘也於後父
王摩賀鉢納摩崩已即灌頂傳寶号民彌婆
羅王既紹其位乃憶前事下令所司發使奪
取時彼長者速得心病便趣無常命終之後
以其憤怨積聚毒惡乃於園內生蛇趣中含
毒伺隙欲酬前恨後於一日王因春節將諸

嬪妹遊幸彼園盡極歡娛以肆其意王方疲困寢息園中時彼毒蛇謂其得便疾出窟穴欲來蠭王時諸嬪嬌散行遊治王有親近內侍一人執劍侍衛防其不虞時有飛禽名迦蘭那迦飲啄翱翔常在園內忽見蛇出相呼鳴噪執劍內侍見蛇出已即斷其命禽衆極噪王亦驚寤問執劍者緣何喧擾執劍者曰適有毒蛇欲來蠭王迦蘭那迦相呼鳴噪我既目見已斷蛇命王聞是語心驚毛豎令詔太子及諸大臣共議斯事古刹帝利罐頂大王或於身命欲致危害有能忠力濟其難者可當何賞賜第八五大臣對曰能於身命脫其難者可分半國以賞其功王乃允從分其半國與迦蘭那迦用賞其功大臣對曰彼迦蘭那迦飛禽之類與國境土當何所用王謂大臣此事如何大臣對曰可就巢巢多植竹木使其遂性勿令傷害如斯可矣餘不能爲王聞曰善遂從其奏乃於園外別擇一處廣種竹樹安

迦蘭那迦令人守之不得傷害王有親舅本事仙道常求淨處進其修習王以迦蘭那迦竹林無諸雜穢權令安處及見世尊將諸苾芻近城樹下露地宴息思欲捨彼造立精舍王乃嚴駕自詣佛所禮雙足已却住一面

爾時世尊爲王說法以種種方便化令歡喜復勸精進當求最上寂靜快樂時王聞法歡喜頂受即起於座偏袒右肩合掌頂禮白言世尊我今請佛及諸聖衆於我宮內來晨受食唯願慈悲哀愍聽許佛即默然爾時大王見佛默然知已受請歡喜踊躍禮拜而歸乃下所司即於是夜疾速備辦種種飲食及與香花皆令倍常美妙清淨復勑官城内外乃至四衢道巷之中悉使嚴潔纔至明且即遣使人白於世尊飯食已辦請佛降臨於是世尊與千阿羅漢著衣持鉢前後圍繞行詣王宮王於門首執爐焚香待世尊至佛既到已迎入就座諸聖衆等亦各就坐王與眷屬瞻

禮畢已奉上飲食焚香散花歡喜供養佛與聖衆食畢澡手王及眷屬樂欲聽法佛為說法各各誦聽歡喜信受王復離座合掌白佛我今欲以迦蘭那迦竹林作佛精舍願佛納受世尊默然王知佛許即取金瓶灌於佛手奉施畢已願佛隨意即為世尊廣作嚴飾佛與聖衆隨意而住迦蘭那迦竹林精舍因茲所立

余時世尊後於一時為利樂故與諸聖衆離迦蘭那迦竹林精舍往寒林中經行宴坐時王舍城有一長者請佛及衆來晨供養乃於是夜與諸眷屬及僮僕侍人共辦飲食香花

^{給八}

等事時給孤長者因有事故到王舍城經過彼家遇夜止宿見其長者家中老幼皆不寢寐辦造飲食珍饌之類怪而問曰長者之家老幼不寐辦造飲食當何所用為請王耶為請大臣莫為姻親而有聚會長者報言我不請王及大臣等亦無姻親聚會之事今為有

佛出於世間將一千聖衆遊化此國王及眷屬大臣士庶悉皆歸向次第供養我為彼佛及與聖衆來晨設齋是不寢寐給孤長者聞此語已歎異非常又復問言云何名佛對曰彼釋族中有王淨飯生一童子號悉達多具輪王相棄捨出家苦行修習證得阿耨多羅三藐三菩提斯即佛也又復問言云何聖衆對曰有刹利族或婆羅門族乃至毗舍輸胞如是之族善男子輩投佛出家剃除鬚髮被袈裟衣正信修行聞法悟解悉皆證得阿羅漢道此是隨佛一千聖衆我所供養正為此也給孤長者聞是說已身毛皆豎歡喜踊躍又復問言如我云何得見彼佛及與聖衆對曰明日咸來我舍受食給孤長者雖聞是語有若心狂不待天曉欲往佛所時方半夜值月明朗即便出門行詣寒林未至中途月忽雲蔽又至一門不敢前進給孤長者以天陰無便生怕怖佇立思量得無非人之類而來

^七

惱我耶心欲退還足不前進時有天人發聲
告曰長者但去勿得退心唯有吉祥定無惱
亂於意云何譬如百車百馬種種莊嚴可令
衆生見者愛樂以斯布施不如向佛前進一步
十六分之一分功德又復告言長者但去勿得退
心唯有吉祥無惱亂事於意云何譬

如一百金象衆寶莊嚴以斯布施不如向佛
前進一步十六分之一分功德長者乃至百
童女以真珠瓔珞衆寶嚴身以斯布施亦復
不及向佛一步十六分之一分功德時彼天
人即發身光照耀途路自彼門所直至寒林
如月盛明等無有異給孤長者乃問天曰是
何聖賢能作斯事天人告曰我昔曾爲舍利
子母名揃識羅也命終之後生四天王界今
名摩度婆健馱摩拏縛迦見守此門願勿疑
慮長者可去必獲吉祥給孤長者聞是語已
讚言善哉稀有斯事我今定去見佛無疑給
孤長者又復思惟若無正覺出於世間無由

得聞最上妙法於是長者得其光明無所障礙
直至寒林世尊住處

余時世尊在寒林外經行時長者見佛威德
相好異於常人即便合掌而發問言是世尊
否佛答言是長者身心歡喜無量又復問言
世有何人而得安睡佛說伽陀而答之曰

若人心寂靜一切得安睡若人繫染欲
熱惱心不止染欲熱惱除解脫無所繫
心意調伏已得息得安睡

余時世尊說伽陀已與給孤長者同入林中
佛還本座長者即前禮佛雙足於一面座樂
欲聽法佛乃勸發令心歡喜余時世尊告長
者言布施持戒得生天上雖五欲自在非爲
究竟欲免輪迴當斷煩惱於善惡法廣爲分
別是時長者得聞是法以宿善力深心思惟
蓋障即除心喜無量佛知是已即爲廣說苦
集滅道四聖諦法是時長者不起於座證四
諦理如潔白衣易染其色隨彼所染皆成上

給八

妙長者得法知見永斷疑惑於佛法僧深信堅固即從座起偏袒右肩合掌頂禮白言世尊我今歸依佛法及苾芻衆持近事戒永不殺生尔時世尊問長者言汝何名字長者對曰我於國中少有資產或是貧匱孤獨之人來丐求者我施飲食及彼資具國人名我爲給孤獨汝國何名對曰舍衛願佛及衆來降我國當以衣服飲食卧具湯藥一切受用畢生奉施佛言長者我與苾芻數踰千人彼無精舍何以安住長者對曰佛若降臨速當建立唯願大慈不違我請佛即默然給孤長者見佛默然知已受請歡喜踊躍頭面禮足旋遶而退於是長者入王舍城營構事畢將欲還家再詣寒林請佛及衆勿慮精舍願早垂降言已還家自此日後一切皆停於舍衛城周偏內外求覓殊勝清淨之地欲建精舍安佛及僧唯有祇陀童子園苑最勝何以故此童子園其地寬廣無諸穢惡行樹蓊鬱泉池

清淨寒風暑氣俱不能侵又無蚊蠅含毒之蟲唯有吉祥飛走之類又復王城不遠不近非求法人不能到此若建精舍斯爲最勝思念已竟即詣園主祇陀童子而告之曰童子勿怪我有勝事欲以上聞童子可容方敢陳說童子告言有事可說長者起立謂童子言

給入九

欲買茲園當爲世尊及千聖衆造立精舍而請安住尊若容允價即稟言祇陀童子告長者曰一切可得唯園勿言長者又曰我聞佛言一切無常無有主者以不堅法宜易堅牢童子報言非我所知勿復更說長者又曰佛者難值園即易求今或遲疑後施無及祇陀童子雖聞此說心未能捨乃以要言阨彼長者君能以金布滿其地我即與汝任自所爲長者審知恐未誠信報而言曰童子若尔可聞市官當使兩情執無反覆童子俛仰共聞市官時四天王遙知斯事佛今出世舍衛城中給孤長者買祇陀園造立精舍兩人商議

取正市官我今變身與成其事天王變身作
市官已來於市肆顯望給孤與童子至二人
至已給孤先言我買彼園欲造精舍令以黃
金布編其地若能余者即可相與今來取正
此價云何市官言曰二人之心得可否未對
言已定市官言曰善哉善哉童子收金長者
得園童子默然更無違悔長者即日遠以車
乘象馬之類乃至僅僕般運黃金處處布訖
唯前面少許而未周足長者籌慮取何藏金
可徧此地如是之際童子告言汝已迴意便
可收金長者報言我意不迴思何藏金可徧
此地以斯事故籌慮少時童子思惟奇哉長
者能捨如是大財爲佛及僧造立精舍又復
思惟我曾聞說若非正覺出於世間一切衆
生不聞正法斯可助施理必相容即謂長者

高聳下息姻戚上音因下絲父上綿字蒼鬱
勿更取金欲迴此地我施作門美可共成功
亦圓滿長者報言我非無金童子余者誠爲
甚善布金縫畢方欲命工外道悉知速來感
亂謂長者曰瞿曇沙門今在摩竭陀國王舍
城居此舍衛城地貴名高非彼所住勿立精
舍勿得迎請長者即怒報外道曰此舍衛城
非段所有何關汝事外道聞已知不從心復
詣於王王亦不允諸外道輩面慙無色心極
煩惱復詣長者而告言曰我先十末所說不爲園
苑但以彼衆非我同修長者今日若是堅執
斯有所報請不相違我聞瞿曇有大弟子先
已到此可與論義即辯勝劣如彼得勝精舍
可爲若其不勝何用迎請我此所說君見如
何長者告言此說甚善若定勝劣足得相依
清濁要分真爲斯辯

佛說衆許摩訶帝經卷第十一

給八

高聳下息姻戚上音因下絲父上綿字蒼鬱
憤怒上烏孔反怠慢下烏勿反懈慢上蒲沒反遜恭蘇因反
也上房粉反同隙下丘遂反嬪媢頻採二音宮妃行
也蟲聲各反她行遊冶下音色飲下音飲

啄下者卓翔翔音上吾高反下鳴噪到反蘇窠巢苦助和反下植時力祥徊飛也也言詁一約也俛仰免下乙萬反阻也俛仰免上音

佛說衆許摩訶帝經卷第十二

卷九

諸外道輩及舍衛國人根緣成熟者有幾時分
見彼人衆唯餘七日尊者出定告長者曰請
語外道過七日已可來論義長者具告外道
思惟立七日限斯有二事一者知已非勝設
計私逃二者或求本朋來共商榷如是思已
我今云何不求朋侶由是諸處親自訪尋乃
得一人名赤眼婆羅門而吉之曰彼瞿曇沙

西天譯經藏朝散大夫試鴻臚少卿明教節臣法賢奉詔譯
門有大弟子索我論義汝婆羅門應宜相助
何以故若自得勝利養猶存彼或勝時我等
何往彼即問言何時論義報曰後當七日至
時相報必來助汝然婆羅門憂其墮負心甚
煩惱發信諸處求告朋黨士日滿已給孤長
者就寬靜處權立論場即為舍利弗尊者排
師子座為彼外道對排高座列座既畢遠近
咸集若公若私迫及少長有百千人集彼論
處亦有別國外道婆羅門亦來會所給孤長
者手執香爐焚以妙香與眷屬等同為擁從
迎舍利弗上師子座尊者坐定一切瞻仰觀